

Gvangjsih Minzczuz Bau

广西民族报 ganhhau: CN45-0036 B.2020 Nd.8 Ng.12 liggaeuq gengcej nienz ndwenloeg ngeihsam

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3436 geiz
Geiz neix 8 banj

Dwzbauj Yen Guh Hong Vah Saw Siujsoq Minzczuz Yamq Maenh Baenaj

Geij bi neix, Dwzbauj Yen ok seiq aen banhlap hung doinyoengx daengx yienh guh hong vah saw siujsoq minzczuz ndaej yamq maenh baenaj. Aen banhlap daih' it dwg laemxsim doeksaed gij cwngcwz vah saw siujsoq minzczuz youz aendangj caeuq guekgya dingh de. Baez son-lien daengx yienh ganbu cizgungh, cungj son gyoengqde hag 《Aen Diuzlaeh Hong Vah Saw Siujsoq

Minzczuz Gvangjsih Bouxcuengh Swcigih》(gangj dinj baenz 《Aen Diuzlaeh》). Aen banhlap daihngieh dwg haenqrengz hawj vah saw siujsoq minzczuz ndaej yungh lai lai. Youq ndaw yienh gvangjbo densidaiz ok 《Sinhvwnz Vahcuengh Dwzbauj》daengj lamzmoeg vah saw minzczuz. Caemhseiz lij roengz caengzdae bae guh hozdung senhconz gij cwngcwz caeuq faplwd fapgvi vah saw siujsoq

minzczuz aendangj. Aen banhlap daih-sam dwg yamq maenh haeujlaeg son hagseng duenh yivu gyauiyuz hag song vah saw. Suenq daengz seizneix, daengx yienh miz 15 aen hagdangz saedniemh Cuengh Gun song vah saw, 53 aen ban saedniemh Cuengh Gun song vah saw; gungh miz 8931 boux hagseng, 36 boux lauxsae Cuengh Gun song vah saw. Aen banhlap daihseiq dwg gya rengz gamduk genj-

caz ndawbiengz yungh Sawcuengh hab mbouj hab gvidingh. Daj hengz 《Aen Diuzlaeh》daengz seizneix, aen yienh neix guhsat gij hong Sawcuengh lajneix: Fanhoiz caeuq guh 206 gaiq baiz danhvei caeuq 204 aen yaenq danhvei, gaiq 30 gaiq baiz danhvei, 12 aen yaenq danhvei hawj gyoengqde yungh Sawcuengh hab gvidingh.

(Nung Yungjfang)



Fuconh: Banh Aen Yizsiz Haidaeuz Guh Hozdung Son Lwgnyez Hengz Minzczuz Doxgiet

8 nyied 7 hauh, Fuconh Yauzczuz Swciyen youq ndaw yienh Suigvanhyenz banh aen yizsiz haidaeuz guh hozdung son lwgnyez hengz minzczuz doxgiet (aeu "lwgnyez mbanj Yauzczuz gangj cienzoengj, fwen mbungqmbaj doinyoengx doxgiet" guh cawjdae) caeuq 100 boux doeg saw ciuhgeq Cungguek (aeu "maij saw ciuhgeq hawj Cunghvaz giengzak" guh cawjdae). Youq yienhciegz lij guh hozdung lienzvuen lumj diuq fouxfaxsax Yauzczuz daengj. Gyawj 100 boux lwgnyez caeuq bohmeah camgya hozdung. Ndaw doz dwg gyoengq nyez caeuq bohmeah diuq fouxfaxsax Yauzczuz.

(Fuconh Minzczunghgiz, Fulenz)

Sanhgyangh: Youq Giz Boux Senj Dieg Comzyouq Yienj Cezmuz Minzczuz Doxgiet Baenaj

8 nyied 6 hauh banhaemh, Sanhgyangh Duncuz Swciyen Nanzcan Segih comz yienj cezmu minzczuz doxgiet baenaj. Ndaw segih neix 4 aen vwnzyidui yienj le 12 aen cezmu ndeiyawj—baudaengz 《Fwen Dig Duncuz》《Gyo' mbaiq Aendangj Hawj Boux Senj Dieg Minzczuz Doxgiet Sim Raejrub》daengj, neix yinx haujlai vunz ndaw

segih daeuj yawj. Aen yienh neix Yenveij Duncan Bu riengz baez hozdung neix guhhong, youq yienhciegz senhconz minzczuz doxgiet baenaj, caemhcai fat 1000 lai faenh swhliu—baudaengz "bonj fwngz gaem senhconz cihsiz cau- guh minzczuz doxgiet baenaj" caeuq "gij sawloih caeuq vahcoenz song vah doxhoiz". Ciuh cam rox, Nanz-

can Segih dwg aen yienh neix giz ceiq hung comz ranzungzhoj senj dieg youq ndeu, miz 4606 ranz 20161 vunz comzyouq giz neix. Ndawde vunz siujsoq minzczuz ciemq 80% doxhwnj, dwg giz nda vunz ranzungzhoj siujsoq minzczuz comzyouq ndeu.

(Sanhgyangh Minzczunghgiz)

SIUSIK DINJ

● Bi neix 1 nyied baihbanh aen hozdung gih raeuz daih' it baez doxdax guh ndangdaenj minzczuz de heuh vunz ndawbiengz bauqsoengq ndangdaenj daeuj doxbeij. Daj seizde doxdaeuj, suenq daengz 8 nyied 7 hauh, gungh sou ndaej 1949 dauq ndangdaenj—youz 470 lai boux lauxcangh guh.

(Dwng Sihyenz)

● 8 nyied 7 hauh, youq Lungz-swnG Gak Cuz Swciyen Yinzminz Yihyen giz genjcaz ndangvunz, gyoengq bouxcoz hab nienzgeij yaek dangbing de nyaengq genjcaz ndang. Geij ngoenz neix, aen yienh neix ciuh bouhloh guh hong genjcaz ndang bouxcoz hab nienzgeij yaek dangbing; daengx yienh gungh miz 185 bouxcoz genjcaz gvaq.

(Banh Cisiengz)

● 8 nyied 5 hauh, Youz Vanz-gyangh Mauznanzcuz Swciyen Gung-geng Duetgungz Cijveih Bu guhdaeuz banh aen hozdung lieb baij gij dozveh youz lauxsae hagseng Mauznanzcuz veh de youq Nanzningz Si Duzsuh-gvanj gawjhengz. Baez neix langhbaij 380 fuk doz hagseng, 120 fuk doz lauxsae. Doenghgij dozveh neix baijok dieg Mauznanzcuz gyaundeih, vunz Mauznanzcuz duetgungz liux rox gyo' mbaiq aendangj caeuq guekgya, Guengidoeng Guengjsae doxcoengh lumj beixnuengx ndei daengj.

(Mungz Hungzsiuh)

● Geij bi neix, Lungzlinz Gak Cuz Swciyen yungh ndei gij cienzngaenz hwngfat siujsoq minzczuz, ok rengz liuxlaez guh hong hawj dieg minzczuz gunggeng duetgungz. Bi neix buenq bi gonq gungh roengz 1332 fanh gij cienzngaenz hwngfat siujsoq minzczuz youz cunghyangh, swcigih bued de, aeu daeuj ciengj bouj ranzungzhoj guh canjnieb, seizneix fat caez gvaq.

(Cinz Gozyij)